

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910052214 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«19» 11 2019թ. 14-4-5434

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Գրիգոր Պողոսիկյանի դիմումի (105272-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

OPEL մակնիշի 35 RG 187 համարանիշի տրանսպորտային միջոցի վարորդը 27.08.2019թ. ժամը 16:51-ին Երևան քաղաքի Արշակունյաց-Գր. Լուսավորիչ-Ագաթանգեղոս փող. Խաչմերուկում երթևեկել է չթույլատրված գոտիով՝ խախտելով Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի պահանջը, ինչի հետևանքով նշված տրանսպորտային միջոցի սեփականատեր Արման Գևորգի Դանիելյանը Ճանապարհային ոստիկանության թիվ 1910052214 որոշմամբ ենթարկվել է վարչական պատասխանատվության, տուգանքի՝ 5000 ՀՀ դրամի չափով:

Քաղաքացի Գրիգոր Պողոսիկյանը ՀՀ Ոստիկանության ճանապարհային ոստիկանություն դիմում է ներկայացրել՝ հայտնելով, որ վերը նշված թիվ 1910052214 որոշմամբ ամրագրված իրավախախտումը կատարվել է իր կողմից և խնդրել այն վերահասցեագրել իրեն:

Ուսումնասիրությամբ պարզվել է, որ թիվ 1910052214 որոշմամբ արձանագրված խախտումը կատարելու պահին Գրիգոր Պողոսիկյանը տրանսպորտային միջոցը վարել է ուժը կորցրած վարորդական վկայականով, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված է տուգանք՝ 10000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 1910052214 որոշմամբ ամրագրված ճանապարհային երթևեկության կանոնի խախտումը կատարվել է Գրիգոր Պողոսիկյանի կողմից, նկատի ունենալով, որ խախտումը կատարելիս վերջինս տրանսպորտային միջոցը վարել է ուժը կորցրած վարորդական վկայականով, թիվ 1910052214 որոշումը ենթակա է բեկանման, իսկ Գրիգոր Պողոսիկյանը՝ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910052214 որոշումը բեկանել:
2. Գործն ուղարկել ՃՈ ՃՊԾ 1-ին սպայական գումարտակին՝ նոր քննության:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Գրիգոր Պողոսիկյանին (հասցեն՝ ք. Երևան Ազատամարտիկների 162/1տ.), տրանսպորտային միջոցի սեփականատեր Արման Գևորգի Դանիելյանին (հասցեն՝ ք. Երևան Ավան Առինջ 1 մկշ. 3/1շ. 14բն.), ՃՈ ՃՊԾ 1-ին սպայական գումարտակին և ՏՄՀԽԱ կենտրոն:

Կատարող Ա. Յայլոյան

010562974



Ե.Կարապետյան